



Comhairle Cathrach & Contae Phort Láirge
Waterford City & County Council

Dréachtphlean Forbartha Cathrach agus Contae 2022-2028

Alt 12 de na hAchtanna um Pleanáil agus Forbairt, 2000-2020

Fógra faoi Ullmhú

Dréachtphlean Forbartha do Chathair agus Contae Phort Láirge 2022-2028

Tugtar fógra, leis seo, de bhun Alt 12(1)(b) de na hAchtanna um Pleanáil agus Forbairt, 2000-2020 gur ullmhaigh Comhairle Cathrach agus Contae Phort Láirge Dréachtphlean Forbartha Cathrach agus Contae. Gabhann Tuarascáil Chomhshaoil Straitéiseach a ullmhaíodh i gcomhréir leis na Rialacháin um Pleanáil agus Forbairt (Measúnacht Straitéiseach Timpeallachta), 2004, Scagadh le haghaidh Measúnacht Chuí, de bhun Airteagal 6(3) agus Airteagal 4 den Treoir maidir le Gnáthóga 92/43/CEE agus Measúnú Riosca Straitéiseach i gcás Tuilte leis an Dréachtphlean.

Beidh an Dréachtphlean Forbartha Cathrach agus Contae, Tuarascáil na Measúnachta Straitéisí Timpeallachta, an Tuarascáil Scagtha le haghaidh Measúnacht Chuí agus an Measúnú Riosca Straitéiseach i gcás Tuilte AR TAISPEÁINT GO POIBLÍ agus ar fáil le haghaidh iniúchadh poiblí ón **18 Meitheamh go dtí an 30 Lúnasa 2021** (an dá dháta sin san áireamh) ag na láithreacha seo a leanas:

- An Deasc Cúraim Custaiméirí, Comhairle Cathrach agus Contae Phort Láirge, Sráid Nua Bailey, Cathair Phort Láirge;
- An Deasc Cúraim Custaiméirí, Comhairle Cathrach agus Contae Phort Láirge, Oifigí Cathartha, Dún Garbhán; agus
- Brainsí Leabharlainne Chomhairle Contae agus Cathrach Phort Láirge.

Mar thoradh ar shrianta sláinte poiblí Covid 19 atá i bhfeidhm faoi láthair, b'fhéidir nach mbeidh sé indéanta teacht ar ábhar an Dréachtphlean Forbartha ar éileamh ag na láithreacha thuas agus, dá bharr, moltar go mór leas a bhaint as tairseach thiomnaithe chomhairliúcháin ar líne ag consult.waterfordcouncil.ie.

Tugtar cuireadh do bhreathnóireacht nó d'aighneachtaí i dtaca leis an Dréachtphlean Forbartha agus/nó an Tuarascáil Chomhshaoil agus/nó Scagadh le haghaidh Measúnacht Chuí ó bhaill den phobal agus páirtithe leasmhara eile. Is féidir leat breathnóireacht nó aighneacht a dhéanamh trí na roghanna seo a leanas **amháin**;

- Ar líne trí chlárú ag <https://consult.waterfordcouncil.ie>, áit ar féidir leat aighneacht a dhéanamh ar na dréachtchaibidlí, na hábhair agus na bileoga léarscáile ina dhiaidh sin. Is féidir leat líníochtaí d'aon limistéir a sheoladh ar aghaidh freisin a bhaineann le d'aighneacht ar léarscáil idirghníomhach an phlean forbartha, **nó**

- I Scríbhinn ach “Dréachtphlean Forbartha Cathrach agus Contae” a mharcáil air agus é a sheoladh chuig An Rannóg Pleanála, Comhairle Cathrach agus Contae Phort Láirge, Foirgneamh Menapia, An Meal, Cathair Phort Láirge.

Caithfear ainm agus seoladh iomlán an duine/na ndaoine a bhfuil an aighneacht á déanamh acu agus, sa chás gurb iomchuí, ainm an chomhlachta nó na heagraíochta a ndéantar ionadaíocht dóibh a chur san áireamh i mbreathnóireacht nó aighneachtaí.

Ní chuirfear ach aighneachtaí nó breathnóireacht scríofa maidir leis an Dréacht a dhéantar leis an údarás pleanála laistigh den tréimhse luaite san áireamh nuair a bhíonn an plean á dhéanamh. Is féidir aighneachtaí nó breathnóireacht maidir le tuarascáil na Measúnachta Straitéisí Timpeallachta (MST), an tuarascáil Scagtha le haghaidh Measúnacht Chúí (SMC) agus an Measúnú Riosca Straitéiseach i gcás Tuilte (MRST) a dhéanamh freisin leis an Údarás Pleanála laistigh den tréimhse a shonraítear agus déanfar breithniú orthu. Caithfear na haighneachtaí agus an bhreathnóireacht go léir a fháil roimh **5pm an 30 Lúnasa 2021. Ní ghlacfar le haighneachtaí déanacha.**

Tugtar cuireadh do leanaí, nó grúpaí nó comhlachais a dhéanann ionadaíocht do leasanna leanaí chun aighneachtaí nó breathnóireacht a dhéanamh.

Tabhair faoi deara, le do thoil, go gcuirfear na haighneachtaí go léir ar fáil gur féidir leis an bpobal amharc orthu ar láithreán gréasáin comhairliúcháin na Comhairle i rith thréimhse dhéanta an phlean. Caithfidh Comhairle Cathrach agus Contae Phort Láirge leis na sonraí pearsanta go léir a d’fhéadfá a thabhairt go rúnda. Ní choimeádfaimid do shonraí ar feadh níos faide ná mar is gá ar mhaithe leis an bPlean Forbartha Cathrach agus Contae seo i gcomhréir le Beartas Coinneála Chomhairle Cathrach agus Contae Phort Láirge agus leis an reachtaíocht um Chosaint Sonraí ábhartha.

Imeachtaí Comhairliúcháin Phoiblí:

Cé gur mian le Comhairle Cathrach agus Contae Phort Láirge a chinntiú go gcuirfidh rannpháirtíocht an phobail eolas ar fáil don Dréachtphlean Forbartha, teastaíonn bealaí nua chun cumarsáid iomlán a dhéanamh leis an bpobal agus le páirtithe leasmhara mar thoradh ar Covid 19. Chuige seo, beartaítear roinnt seimineáir ghréasáin poiblí a chur ar siúl i rith na tréimhse comhairliúcháin poiblí, agus cuirfear sonraí iomlána fúthu in airde ar an tairseach chomhairliúcháin [consult.waterfordcouncil.ie](https://www.consult.waterfordcouncil.ie) agus sna nuachtáin áitiúla sna seachtainí amach romhainn. Beidh clárú do na himeachtaí seo le déanamh. Tabharfar cuireadh do dhaoine aonair, grúpaí, eagraíochtaí nó ionadaithe chun plé a dhéanamh ar aon ghné nó saincheistanna a eascraíonn as Dréachtphlean Forbartha Chathair agus Chontae Phort Láirge 2022-2028.

Idir an dá linn, iarrtar ar bhaill den phobal leas a bhaint as an tairseach chomhairliúcháin agus as ábhar gaolmhar ar líne a saindearadh go mbeidh sé éasca aighneachtaí a dhéanamh. Ar mhaithe le sláinte poiblí ag an tráth seo, d’iarrfaimis go ndéanann daoine idirghníomhú ar an

gcéad dul síos leis an ábhar ar líne ar ár dtairseach chomhairliúcháin, ach nuair nach féidir le daoine aonair teacht ar an ábhar ar líne, áfach, is féidir leo teagmháil a dhéanamh leis an Rannóg Pleanála chun coinne a dhéanamh féachaint ar na cáipéisí ábhartha trí ríomhphost a sheoladh chuig planning@waterfordcouncil.ie nó trí ghlaoch ar 0761 102562.

Liam McGree,
Pleanálaí Sinsearach,
Comhairle Cathrach agus Contae Phort Láirge